

ახალი

განთიადი

„გედნიერია ის, ვისაც
სამშროლოსათვის უძგერს გული.“



30 მაისი - 12 ივნისი 2013 წელი

№10

№ 8044

ელფოსტა: AxaliGantiadi@gmail.com.

**ენერგეტიკის მინისტრი კახა კალაძე კასპის
მუნიციპალიტეტში გვ2.**



**შენვადრა მიმდინარეობდა კითხვა-
პასუხის რეჟიმში გვ2.**

**დამოუკიდებლობის დღესთან დაკავშირე-
ბით გვ2.**

**პატრიარქის
კათედრულ-
ობაზე ორიენ-
ტირებული
სამედიცინო
მომსახურება
გვ3.**



... რა
მანერ
მეჭყუნჯლოვთ
უხუცესი
გვ3.

ივნისის 2013 წელიწადის წინასწარ, ეჭვით
ლოთისწყლის |თაყაიშვილის| წლის გავლენას




“არ
რავინ”ეგზ
მოყვრისა“
გვ7.

გალა
კონცერტი
26 მაისს
გვ3.

**გვარამისის ერთადერთი გზა
- რამდენიმეცხოვრება გვ4.**

**პროექტი ახალ-
გაზრდული ფორ-
მის ფარგლებში გვ3.**

“რეგნ წახრეს
ერთი რაღაცეს“
გვ6.



ქ ა ლ ა გ ა ნ ი ა

ენერგეტიკის მინისტრი კახა კალაძე კასპის მუნიციპალიტეტში



მრიცხველს დაუმონტაჟებს.

კომპანია “ენერგო-პრო ჯორჯია” მიმდინარე წელს თანამედროვე სტანდარტების შესაბამის ინდივიდუალურ მრიცხველს 50 ათასამდე აბონენტს დაუმონტაჟებს.

გამრიცხველიანების სამუშაოები აქტიურ ფაზაში პირველი მაისიდან შევიდა. შემდგომი ორი წლის განმავლობაში დაგეგმილია დამატებით 140 ათასი აბონენტის გამრიცხველიანება. ინდივიდუალური გამრიცხველიანება არ გულისხმობს აბონენტისათვის მხოლოდ მრიცხველის მონტაჟს,



პროცესი მოიცავს ქსელის მასშტაბურ რეაბილიტაციას, რომლის ფარგლებშიც მთლიანად იცვლება ამორტიზებული კაბელები ახალი იზოლირებული სადენებით, ძველი

ხის ბოძები – ახალი რკინაბეტონის ბოძებით. რემონტდება სატრანსფორმატორო პუნქტები და მნიშვნელოვნად უმჯობესდება ქსელის ინფრასტრუქტურა.

ენერგეტიკის მინისტრი კახა კალაძე კასპის მუნიციპალიტეტს ერთი კვირის განმავლობაში ორჯერ ესტუმრა.

მინისტრი შეხვდა მუნიციპალიტეტის გამგებელს ოლეგ იაძეს, ისაუბრეს 2013 - 2014 წლებში მუნიციპალიტეტში განსახ-

ორციელებელ პროექტებზე. მოინახულეს სოფელ ივოეთში გამავალი მაღალი ძაბვის გადამცემი ხაზები, რომლის რეაბილიტაციაც უახლოეს მომავალში დასრულდება.

ენერგეტიკის მინისტრმა კახა კალაძემ კომპანია “ენერგო-პრო ჯორჯიას” წარმომადგენლებთან ერთად, კასპის მუნიციპალიტეტის სოფელ წინარეხში მიმდინარე გამრიცხველიანების სამუშაოებიც მოინახულა.

კომპანია სოფლის ენერგოგამანაწილებელ ქსელს მოაწესრიგებს და წინარეხში მცხოვრებ 332 აბონენტს ინდივიდუალურ



დამოუკიდებლობის დღესთან დაკავშირებით

საქართველოს დამოუკიდებლობის დღესთან დაკავშირებით, კასპის მუნიციპალიტეტის გამგებელმა ოლეგ იაძემ შეხვედრა მოუწყო აფხაზეთისა და სამაჩაბლოს ომში დაღუპული მეომრების ოჯახის წევრებს.

ადგილობრივი ხელისუფლების წარმომადგენლებმა 26 მაისს გვირგვინით შეამკეს კასპში, კოსტავას ქუჩაზე არსებული, ეროვნული გმირის მერაბ კოსტავას ბიუსტი.



შენვედრა მიმდინარეობდა კითხვა-პასუხის რეჟიმში

წმინდა გიორგის სახელობის ტაძრის მოძღვარმა მამა ანდრიამ, კულტურის სახლში, მოსახლეობასთან შეხვედრა გამართა. საუბრის თემა, 17 მაისს მომხდარ ცნობილ მოვლენებს ეხებოდა. მოძღვარმა გვერდში დგომა აღუთქვა იქ მყოფ მამაოებს, საზოგადოებას განუმარტა

აქციის დადებითი და უარყოფითი მხარეები, სინანული გამოთქვა აქციის დროს მომხდარ დაპირისპირებაზე.

შეხვედრა მიმდინარეობდა კითხვა-პასუხის რეჟიმში, მამა ანდრიამ ამომწურავი პასუხები გასცა დასმულ კითხვებს. კასპის მუნიციპალიტეტის



გამგებელმა ოლეგ იაძემ მაღლობა გადაუხადა მოძღვარს მობრძანებისა და მოსახლეობასთან შეხვედრისათვის.

ელენა გოგოლაური, კასპის მუნიციპალიტეტის გამგეობის მთავარი სპეციალისტი საზოგადოებასთან ურთიერთობის საკითხებში.

გამოიწერეთ
“ახალი განთიადი”
რაც გახლავთ სიყვარულის
მეგობარი

სრულიად საქართველო ზემობდა 26 მაისს, საქართველოს დამოუკიდებლობის დღეს...

სახალხო დღესასწაული კასპშიც აღინიშნა, ქალაქის კულტურის სახელში გაიმართა გალა კონცერტი, რომელშიც მონაწილეობდნენ ადგილობრივი



თვითმოქმედი კოლექტივები და ქორეოგრაფიული ანსამბლები, საესტრადო სიმღერების ინდივიდუალური შემსრულებლები.

საზეიმო კონცერტის დაწყებამდე დარბაზში შეკრებილი საზოგადოება დალოცა კასპის წმინდა გიორგის სახელობის ეკლესიის მოძღვარმა მამა ანდრიამ. შემდეგ მისასალმებელი სიტყვა წარმოთქვა კასპის პირველი საჯარო

სკოლის მასწავლებელმა მანანა ყაბანაშვილმა.

შეკრებილ საზოგადოებას მიესალმა და ღირსშესანიშნავი თარიღი მიულოცა კასპის მუნიციპალიტეტის გამგებელმა ოლეგ იაძემ. სიტყვებით გამგებდნენ კასპის მუნიციპალიტეტის გამგეობის სპეციალისტი ვეტერანთა საკითხებში, კაპიტანი გოჩა კობაური და ყოფილი თავდაცვის სამინისტროს გაზეთის “თავდაცვის” რედაქტორი, გვარდიის კაპიტანი ამირან ტალახაძე.

ღონისძიების ოფიციალური ნაწილის შემდეგ სცენა დაეთმო მოცეკვავეებსა და მომღერლებს. კონცერტში მონაწილეობდნენ: კასპის მუნიციპალიტეტის კულტურის გაერ-



გალა კონცერტი 26 მაისს

თიანებასთან არსებული ვაჟთა ფოლკლორული ანსამბლი “მოურავი”, ხელმძღვანელი, ხელოვნების დამსახურებული მოღვაწე გივი ბახტაძე, ქორეოგრაფიული ანსამბლები “იმედი”, ქორეოგრაფები ინგა თაბუკაშვილი და ლაშა ჭულუხიძე, “ქორეოლოგია”, ქორეოგრაფი ხათუნა გაგაძე, “ერთაწმინდა”, ქორეოგრაფები ნინო პავლიაშვილი და ნუკრი საბიაშვილი, “რკონი,” ქორეოგრაფი მაკა დათაშვილი, ანსამბლი “დიდგორი,” ხელმძღვანელი ქეთევან მონასელიძე, ქორეოგრაფი მარინა რუ-



სიშვილი, “მეტეხი,” ქორეოგრაფი ცისანა დარჩიაშვილი, “სხვილო,” ქორეოგრაფი ნინო პავლიაშვილი, “კავთა,” ქორეოგრაფი სოფიკო ტოტიკაშვილი. შესრულდა საესტრადო და ფოლკლორული სიმღერები, რომელსაც ასრულებდნენ: კონკურსებში გამარჯვებული მედეა ბეჟიტაშვილი, საესტრადო სიმღერების ინდივიდუალური შემსრულებელი ხათუნა ხაჩიძე, ფოლკლორული სიმღერების შემსრულებელი თამარ ბაისონაშვილი, ანსამბლ “მოურავის” სოლისტი მიხეილ ქოსაშვილი.

საზეიმო კონცერტს უძღვებოდა კულტურის გაერთიანების სპეციალისტი ნუნუ სუსუნიაშვილი.

პროექტი ახალგაზრდული ფორუმის ფარგლებში

კასპის მუნიციპალიტეტში, ადგილობრივი თვითმმართველობის თანამშრომლებთან, რეგიონული ახალგაზრდული ფორუმის ფარგლებში შემუშავე-

რეგიონულ ახალგაზრდულ ფორუმში ჩართული მოსწავლეები განახორციელებენ. კასპის საჯარო სკოლების მოსწავლეებმა ინფრასტრუქტურის თემაზე



ბული საპროექტო იდეის პრეზენტაცია მოეწყო, რომლის ფარგლებშიც სოფელ ლამისყანაში დასასვენებელი სკვერის მოწყობა იგეგმება. პროექტს

შემუშავებული საპროექტო იდეა ჩამოაყალიბეს.

რეგიონული ახალგაზრდული ფორუმი ქალაქ გორში, 20 მაისს გაიმართა.



თა. ფორუმის მიზანი იყო ახალგაზრდების აქტიური მონაწილეობით იმ პრობლემების გამოვლენა, რომლებიც აქტუალურია შიდა ქართლის მოსწავლეების, სკოლებისა თუ ადგილობრივი საზოგადოებისათვის, რომელთა მოგვარებაც სამოქალაქო კლუბების, სამთავრობო, არასამთავრობო თუ ბიზნეს სექტორის ჩართულობითაა შესაძლებელი.

ელენა გოგოლაური, კასპის მუნიციპალიტეტის გამგეობის მთავარი სპეციალისტი საზოგადოებასთან ურთიერთობის საკითხებში.

იონესკომ 2013 წელი ქართული წმინდანის, ეჭითიძე ოვთისყაცის |თაყაიშვილის| წოვარ გამოაცხადა

აღნიშნულთან დაკავშირებით კასპის მხარეთმცოდნეობის მუზეუმში ჩატარდა დიდი მეცნიერის ხსოვნისადმი მიძღვნილი ღონისძიება, რომელსაც ესწრებოდნენ კულტურის, განათლების მუშაკები, საჯარო სკოლების მოსწავლეები, სტუდენტი-ახალგაზრდობა, მოწვეული სტუმრები, კასპის მუნიციპალიტეტის გამგეობისა და საპარლამენტო ბიუროს წარმომადგენლები.

შეკრებილ საზოგადოებას მიესალმა კასპის მხარეთმცოდნეობის მუზეუმის დირექტორი გიორგი ჩაღუნელი.

მოხსენებით “წმინდა ექვთიმე ღვთისკაცის /თაყაიშვილი/ ცხოვრება და მოღვაწეობა”- დამსწრეთა წინაშე გამოვიდა მუზეუმის განყოფილების გამგე ნანა მერებაშვილი.

“ექვთიმე თაყაიშვილი - მრავალმხრივი მეცნიერი”, ასეთი იყო მუზეუმის მეცნიერ-მუშაკის ნანა მიდელაშვილის საუბრის თემა.

... “და მაინც მეჭურჭლეთუხუცესი”- საინტერესო მოგონებით გამოვიდა მუზეუმის განყოფილების გამგე ლიანა ბალხამიშვილი.

ღონისძიებას ესწრებოდა და სიტყვით მიმართა შეკრებილებს კასპის მუნიციპალიტეტის გამგებლის მოვალეობის შემსრულებელმა ოლეგ იაძემ.

შემდეგ შეკრებილთა წინაშე წარსდგა კასპის პირველი საჯარო სკოლის მოსწავლე, რომელმაც მხატვრულად წაიკითხა ქართველი პოეტის ლექსი. სიტყვით გამოვიდა კასპის პირველი საჯარო სკოლის მასწავლებელი მანანა ყაბანაშვილი.

მეცნიერის დღისადმი მიძღვნილ ღონისძიებას ესწრებოდნენ მუზეუმების გაერთიანების დირექტორი გივი მელაძე და გამგეობის კულტურის, განათლების, სპორტის, ძეგლთა დაცვისა და ახალგაზრდულ საქმეთა სამსახურის უფროსი თეა ხორბალაძე.

კასპის მუნიციპალიტეტის მუზეუმების გაერთიანება.

... და მაინც მეჭურჭლეთუხუცესი

უკიდევანოა ექვთიმე თაყაიშვილის ღვაწლი ერის წინაშე. უამრავი სამეცნიერო დისციპლინის მესაძიარკელე და მამულიშვილური საქმის მოთავეა, რომელთა მხოლოდ ჩამონათვალად ძალიან დიდია. რამდენი ფურცელი დააკლდებოდა ერის ისტორიას, რამდენი რამ დარჩებოდა სათოვად, ან მოთიანად ამოუცნობი, რომ არა მის მიერ გამოვლენილი და დაღუპვას გადარჩენილი მატერიალური კულტურის ძეგლები თუ სხვა სახის წყაროები ერის ისტორიისა.

ექვთიმე თაყაიშვილის ნაღვაწის ნებისმიერი სფერო ცალ-ცალკე საკმა-

რისი იქნებოდა ერთი პიროვნებისათვის, რომ ერის ისტორიაში მამულიშვილთა შორის დარჩენილიყო. მაგრამ, რაც მან ქართულ სიძველეთა გადარჩენისათვის გააკეთა უპირველესი ადგილი უკავია, ამიტომაც, რომ დღეს მისი პიროვნების ხსენებისას, გვარ-სახელის მაგიერ ზეწოდება - მეჭურჭლეთუხუცესი უფრო ხშირად გვხვდება.

1921 წლის 11 მარტს საქართველოს განძთან ერთად სამშობლოს წინაშე მოვალეობის გრძნობით იძულებით დატოვა სამშობლო, რაც სიცოცხლის თავ

* გაგრძელება მე-6 გვ.

გაქანისიერის ერითაცერითი გზა - რამოუკიდებლობა

წინასიტყვაობის მაგიერ

მას შემდეგ, რა გორის მაზრას გამოეყო ჩვენი რაიონი, ანუ 1929 წლიდან, კასპის არქივი დამოუკიდებლად არსებობს. ჩვენს არქივში ინახება 57700 შესანახი ერთეული. აქ შედის როგორც მუდმივი, ასევე პირადი შემადგენლობის დოკუმენტები. საარქივო მუშაობა ჩვენი ყოველდღიური რეზერვის ნაწილია და ყოველდღიურობაში შეიძლება ვერ აღიქვა რამდენად მნიშვნელოვანი და საპასუხისმგებლოა საქმე, რომელსაც ემსახურები. თუმცა, არის დღეები როცა ზედმინდებით თვალნათელი ხდება არქივში შენახული დოკუმენტების მნიშვნელობა.




დაფუძნებული ქაიხოს სხდომა. გვილისი, 1918 წ.

გ. კოხაიის ფოტო. საარქივო მასალებიდან

რუსეთის იმპერატორმა პავლე პირველმა იმპერიასთან ქართლ-კახეთის შეერთების მანიფესტი 1800 წელს გამოსცა. ეს, ფაქტობრივად, საქართველოს სამეფოს გაუქმებას ნიშნავდა. ქართველ ხალხს ჯარით გარემორტყმულ სიონში წაუკითხეს იმპერატორის განაჩენი. საქართველო რუსი მთავარმართებლის ხელში გადავიდა... ისტორიული სამართლიანობის აღდგენის წილ უნდა ვაღიაროთ, რომ იმპერია ნაბიჯ-ნაბიჯ სპობდა საქართველოს.

მხოლოდ 1918 წელს მენშევიკების მოწვეულ სეიმზე დაფიქსირდა, რომ ამიერკავკასია რუსეთს გამოეყო. მაგრამ ჩრდილოელმა “უფროსმა ძმამ” თავისუფლების გზაზე შემდგარ ქვეყნებს ახალი რეალობა შესთავაზა, საბჭოთა რუსეთმა ბრესტ-ლიტოვსკში დადო ზავი, რომლითაც ბათუმის, ყარსისა და არდაგანის ოლქებს გერმანიის მოკავშირე თურქებს უთმობდა. ამ უკანასკნელთან მოსალაპარაკებლად ბათუმში ახლადშექმნილი სეიმის მრავალეროვანი დელეგაცია ჩავიდა. არაა გასაკვირი, რომ მოლაპარაკება უშედეგოდ დამთავრდა. თუ საქართველო და სომხეთი ეწინააღმდეგებოდნენ მიწა-წყლის დაკარგვას, აზერბაიჯანი ერთმორწმუნე თურქეთთან წინააღმდეგობას არ აპირებდა.

საქართველო არ ცნობდა ბერსტ-ლიტოვსკის ზავს და გერმანიის მოკავშირე გახდებოდა, ხოლო გერმანიის მეორე მოკავშირე, თურქეთი, იძულებული იქნებოდა, შეეუბოდა ვითარებას.




მართლაც ურთულეს რეალობაში, როცა საკითხის მოგვარების ყველა იმედი ამოიწურა, ქართულმა დელეგაციამ გამონახა გადარჩენის ერთადერთი გზა – დამოუკიდებლობა.

1918 წლის 26 მაისის თბილისში

1918 წლის 26 მაისს თბილისში საქართველოს ეროვნულმა საბჭომ მიიღო საქართველოს დამოუკიდებლობის აქტი, რომლის პირველ პუნქტში ეწერა: “ამიერიდან საქართველოს ხალხი სუვერენულ უფლებათა მატარებელია და საქართველო სრულუფლებიანი დამოუკიდებელი სახელმწიფოა”.

1918 წლის 26 მაისს მიღებულ “საქართველოს სახელმწიფოებრივი დამოუკიდებლობის აქტში” ნათქვამი იყო: “მრავალ საუკუნეთა განმავლობაში საქართველო არსებობდა, როგორც დამოუკიდებელი და თავისუფალი სახელმწიფო. მეფერამეტე საუკუნის დასასრულს ყოველი მხრით მტრისაგან შევიწროებული საქართველო თავისი ნებით შეუერთდა რუსეთს იმ პირობით, რომ რუსეთი ვალდებული იყო, საქართველო მტრისაგან დაეცვა. რუსეთის დიდი რევოლუციის მსვლელობამ რუსეთში ისეთი შინაგანი წყობილება შექმნა, რომ მთელი საომარი ფრონტი სრულიად დაიშალა და რუსის ჯარმაც დატოვა ამიერკავკასია”. დარჩენი რა თავისი ძალისაგან ამარად, საქართველომ და მასთან ერთად ამიერკავკასიამ თავად იკისრეს საკუთარი საქმეების გაძღოლა და პატრონობა და შესაფერისი ორგანოებიც შექმნეს, მაგრამ გარეშე ძალთა ზეგავლენით ამიერკავკასიის ერთა შემადგენელი კავშირი დაირღვა და მით ამიერკავკასიის პოლიტიკური მთლიანობაც დაიშალა. ქართველი ერის დღევანდელი მდგომარეობა აუცილებლად მოითხოვს, რომ საქართველომ საკუთარი სახელმწიფოებრივი ორგანიზაცია შექმნას, მისი საშუალებით გარეშე ძალის მიერ დაპყრობისაგან თავი გადაიჩინოს და დამოუკიდებელი განვითარების მტკიცე საფუძველი ააგოს. ამისდა თანახმად, საქართველოს ეროვნული საბჭო, 1917 წლის ნოემბრის 22-ს არჩეული საქართველოს ეროვნული ყრილობის მიერ, დღეს აცხადებს:



1).ამიერიდან საქართველოს ხალხი სუვერენულ უფლებათა მატარებელია და საქართველო სრულუფლებიანი დამოუკიდებელი სახელმწიფოა.

2).დამოუკიდებელი საქართველოს პოლიტიკური ფორმა – საქართველოს დემოკრატიული რესპუბლიკაა.

3).საერთაშორისო ომთანობაში საქართველო მუდმივი და ნეიტრალური სახელმწიფოა.

4).საქართველოს დემოკრატიულ რესპუბლიკას სურს საერთაშორისო ურთიერთობის ყველა წევრთან კეთილმეზობლური განწყობილება დაამყაროს, განსაკუთრებით კი – მოსაზღვრე სახელმწიფოებთან და ერებთან.

5).საქართველოს დემოკრატიული რესპუბლიკა თავის საზღვრებში თანასწორად უზრუნველყოფს ყველა მოქალაქის სამოქალაქო და პოლიტიკურ უფლებებს, განურჩევლად ეროვნებისა, სარწმუნოებისა, სოციალური მდგომარეობისა და სქესისა.

6).საქართველოს დემოკრატიული რესპუბლიკა განვითარების თავისუფალ ასპარეზს გაუხსნის მის ტერიტორიაზე მოსახლე ყველა ერს.

7).დამფუძნებელი კრების შეკრებამდე მთელი საქართველოს მართვა-გამგეობის საქმეს უძღვება ეროვნული საბჭო, რომელიც შევსებული იქნება ეროვნულ უმცირესობათა წარმომადგენლებით და დროებითი მთავრობა პასუხისმგებელია საბჭოს წინაშე.



საქართველოს დემოკრატიულმა რესპუბლიკამ, რომლის დამოუკიდებლობა ევროპის წამყვანმა ქვეყნებმა ცნეს, არსებობა არასრული სამი წლის თავზე, საბჭოთა რუსეთის მიერ განხორციელებული ოკუპაციის შემდეგ შეწყვეტა. საქართველოს დამოუკიდებლობის აღდგენა 70 წლის შემდეგ, 1992 წლის 9 აპრილს, შეძლო.

რამდენმა ღირსეულმა ქართველმა მამულიშვილმა ჩაიტანა საფლავში საქართველოს დამოუკიდებლობის მოპოვების აუხდენელი ოცნება, რამდენი შრომა, ძალისხმევა და თავდადებაა 26 მაისის მატანეში. ასეთ წუთებში ყველაზე თვალნათლად ჩანს იმ სამსახურის მნიშვნელობა, რომელიც ინახავს და იცავს ქვეყნის ისტორიას. დაარქივებული დოკუმენტები უტყუარი მასალაა ჩვენი საერთო ისტორიის. რომ არა ეროვნული არქივი, რამდენი კითხვა დარჩებოდა უპასუხოდ.

მარინა გოგებაშვილი, საქართველოს ეროვნული არქივის ტერიტორიული ორგანოს კასპის ადგილობრივი არქივის დირექტორი.

იამზე ქამსაძის კლინიკა 2001 წელს დაფუძნდა. განვლილი 12 წელი საშუალებას იძლევა, რომ ვილაპარაკოთ გარკვეულ გამოწვევებზე და მიღწევებზე. ჩვენს რეგიონში თანამედროვე სამედიცინო გამოწვევის და დაავადებების მკურნალობის მრავალი ინოვაციის დახერხება პირველად სწორედ ამ კლინიკაში მოხდა.

საქართველოს, ყოფილი საბჭოთა რესპუბლიკების, ევროპისა და აშშ-ს მრავალ ნაშევან უნივერსიტეტთან და კლინიკასთან ურთიერთობა საშუალებას აძლევს იმ ქამსაძის კლინიკას მუდმივად ეწინააღმდეგოს სამედიცინო სიახლეებს და განახლოს ტექნიკური აღჭურვილობა.

იამზე ქამსაძე: - ჩვენი მთავარი პრიორიტეტი არის პაციენტი და მის კეთილდღეობაზე ორიენტირებული სამედიცინო მომსახურების უმაღლესი სტანდარტები. ამ თვალსაზრისით მნიშვნელოვნად მიმართა სამედიცინო აპარატურის მუდმივი განახლება და გაფართოება უახლესი მიღწევების დონეზე და სამედიცინო პერსონალის კვალიფიკაციისა და ინფორმირებულობის დონის უწყვეტი ამაღლება.

ჩვენმა კლინიკამ ორი კვირაა, რაც აშშ-დან მიიღო უახლესი მოდელი ულტრაბგერითი (ექოლოგიური) PHILIPS-ის აპარატურა, რომელიც უახლოეს დღეებში შევა ექსპლუატაციაში. მე გასულ წელს ვიმყოფებოდი აშშ-ში კლივლენდის კლინიკაში, რომელიც მსოფლიოში №1 რეიტინგული კლინიკაა და მაშინ საშუალება მქონდა გავცნობოდი ამ აპარატურის სპეციფიკას. PHILIPS-ის ტექნიკა მსოფლიოშია აღიარებული და ის ჩვენს კლინიკაში არსებულ SIEMENS-ის, Olympus-ის, General Electric-ის და სხვა მოწინავე ბრენდების აპარატურასთან ერთად დიაგნოსტიკის შესანიშნავი საშუალებაა.

სულ რამდენიმე დღეა დაგბრუნდით სტამბულიდან, სადაც ვიმყოფებოდით თურქეთის საელჩოს მხარდაჭერით საქართველოს დელეგაციის შემადგენლობაში და ვესწრებოდით სამედიცინო და ლაბორატორიული ტექნოლოგიების მსოფლიო გამოფენას. ბევრ საინტერესო სიახლეს გავიცანით, მრავალ მწარმოებელს შევხვდით და მსოფლიოს თითქმის ყველა კუთხიდან ჩამოსულ ჩვენს კოლეგებს გაუზიარეთ მოსაზრება ამ დარგში განვითარებული სიახლეების შესახებ, შედგა მოლაპარაკება აშშ-ს ერთ-ერთ წამყვან სამედიცინო დიაგნოსტიკური აპარატურის მწარმოებელ ფირმასთან და ვიმედოვნებთ, რომ მოკლე ხანში ჩვენი დიაგნოსტიკური შესაძლებლობები კიდევ უფრო გაიზრდება მათგან მოწოდებული აპარატურის წყალობით.

როგორც ზემოთ ვახსენე, ერთ-ერთი მთავარი ჩვენი პრიორიტეტი არის სამედიცინო პერსონალის კვალიფიკაციის მუდმივი ამაღლება. სამედიცინო პერსონალს როცა ვახსენებ, ეს არ ეხება მხოლოდ ექიმებს, აქ მნიშვნელოვანია ექთნების მომზადების დონეც.

ევროპიდან, ამერიკიდან, უკრაინიდან მუდმივად შემომაქვს უახლესი სამედიცინო ლიტერატურა, სასწავლო ვიდეო ჩანაწერები, რომ აღარაფერი ვთქვათ ინტერნეტით მოძიებულ მასალაზე. ექიმები ფლობენ უცხო ენებს, რაც მათ საშუალებას აძლევს მაქსიმალურად იყენონ სიახლეების საქმის კურსში. მნიშვნელოვანია აგრეთვე

საქართველოში ჩატარებული კონგრესები და ტრენინგები. ამ მოკლე ხანებში ჩვენი კლინიკის ექიმი ნიკოლოზ გოჭოშვილი იმყოფებოდა თანამედროვე კლინიკური მედიცინის მიღწევებისა და ტექნოლოგიების საერთაშორისო კონფერენციაზე. ზოლო ექიმმა ნინო ნუგზარიშვილმა წარმატებით დაამთავრა ევროპის ონკოლოგთა ასოციაციის კურსი მამოგრაფიულ სკრინინგში. იგივე ორგანიზაციის მიერ ჩატარებული კურსი მამოგრაფიაში გაიარა რენტგენოლაბორანტმა მაკა საგიაშვილმა. მას, როგორც ჩვენი კლინიკის ექთანს ხათუნა წიკლაურს, რომელმაც დაამთავრა ამერიკული პროგრამა, აქვს საერთაშორისო სერტიფიკატი, რომელიც ღირსეულად მოიპოვა საკმაოდ რთული სწავლების დამთავრებისა და ძლიერ მომთხოვნი გამოცდების ჩაბარების შემდგომ.

მადლიერებით უნდა აღვნიშნო ევროპული და ამერიკული სასწავლო პროგრამების მესვეურთა თანადგომა, რომლებთანაც დიდი ხნის ურთიერთობა გვაკავშირებს და რომლებიც საშუალებას აძლევენ ჩვენი კლინიკის სამედიცინო პერსონალს სწავლების კურსის გავლაში.

მე, როგორც მოგვხსენებთ ვარლიცენზირებული კარდიოლოგი, რადიოლოგი, შინაგანი დაავადებების სპეციალისტი და მუდმივად ამ დარგებში მიხდება კვალიფიკაციის ამაღლება, როგორც საქართველოში, ასევე აშშ-სა და ევროპაში. განსაკუთრებულად უნდა აღინიშნოს ის ფაქტი, რომ მე ვცდილობ კლინიკა დავაკომპლექტო ადგილობრივი კადრით. თვითონ პროფესორი გია აზმაიფარაშვილიც, რომელიც თბილისის სამედიცინო უნივერსიტეტის კათედრის პროფესორია და ჩვენი მოწვევით ატარებს ჩვენს კლინიკაში გასტროსკოპიულ გამოკვლევას, წარმოშობით ჩვენი რაიონიდანაა. ამას ხაზს ვუსვამ იმიტომ, რომ გარკვეულ არეალსა თუ რეგიონს გააჩნია მისთვის დამახასიათებელი ეთნიკური, კლიმატური, სოციალ-ეკონომიკური თუ კულტურული მახასიათებლები, რომლებიც თავის ასახვას პოულობს ადამიანების დაავადებების ჩამოყალიბების, მიმდინარეობის და მკურნალობის თავისებურებებზე. აქედან გამომდინარე, მე მივიჩნევ, რომ ადგილობრივი კადრი, თუ მას სათანადო ცოდნა და უნარები გააჩნია. ყველაზე უკეთესად გაართმევს თავს ავადმყოფის დიაგნოსტიკასა და მკურნალობას.

- რა ურთიერთობა გაქვთ სადაზღვევო კომპანიებთან?

- ჩვენი კლინიკა აქტიურად თანამშრომლობს ორ სადაზღვევო კომპანიასთან. ამდენად, დაზღვეულებს შეუძლიათ ოჯახის ექიმის მომართვის

პაციენტის ყოთიოცოოიოზში ოროიერციოიოზოიოი სამედიცინო მომსახურება



საფუძველზე მიიღონ შესაბამისი მომსახურება.

ჩვენთვის მთავარია მოსახლეობამ, თუკი მას ამის სურვილი ექნება, გამოიყენოს ის რესურსები, რაც ჩვენს კლინიკას გააჩნია, რათა მათ მიიღონ საუკეთესო სამედიცინო მომსახურება დედაქალაქთან შედარებით მიზერული ფასით და როცა სახელმწიფო პროგრამა ამის საშუალებას იძლევა - უფასოდაც, შესაბამისად, თავი აარიდონ ზედმეტი დროისა და ფულად დანახარჯებს.

ნებისმიერი ორგანოს ექოლოგიური კვლევა, რაც საერთოდ ტარდება პრაქტიკაში, რენტგენოდიგნოსტიკა, მამოგრაფია, ელექტროკარდიოგრაფია თუ ენდოსკოპიური კვლევები და ა.შ. მთელი პასუხისმგებლობით მინდა ვთქვა, რომ მსოფლიო სტანდარტების დონეზე ტარდება. ზუსტად ამას ემსახურება ჩემი ხშირი ვიზიტები, უზარმაზარი რესურსი, ენერგია, რომელიც იხარჯება, რომ ჩვენ ვიყოთ თანამედროვე მიღწევების დონეზე.

- ქალბატონო ია, დაავადებების სახელმწიფო სკრინინგ პროგრამა გრძელდება?

- ჩვენთან კვლავ გრძელდება ბუძუსა და კოლორექტალური (მსხვილი ნაწლავის) დაავადებების სახელმწიფო სკრინინგ პროგრამა, სადაც ქალბატონებს 40-დან 70 წლამდე (ბუძუს დაავადებებისა) და ქალებსა და მამაკაცებს 50-დან 70 წლამდე ასაკობრივ ჯგუფში (კოლორექტალური კომპონენტით) შეუძლიათ უფასო გამოკვლევების ჩატარება. უახლოეს ხანებში გვეგმათ ამ მომსახურების

უფრო გაფართოებას სხვა გამოკვლევების ჩართვით.

ამჟამად სამედიცინო სფერო იმყოფება მორიგი რეფორმის რეჟიმში და იმედია, რომ ეს რეფორმა დადებით შედეგებს მოიტანს, როგორც პაციენტებისათვის, ასევე სამედიცინო დაწესებულებებისათვის. მე, როგორც მოგვხსენებთ, ხშირად მიხდება სხვადასხვა ქვეყნის სამედიცინო დაწესებულებებში ვიზიტი. ეს ვიზიტი საშუალებას მაძლევს, რომ კლინიკური გამოცდილების გარდა, დავაკვირდე ჯანმრთელობისა და სოციალური დაცვის სხვადასხვა მოდელს, შევხედო სამედიცინო დაწესებულებების, სადაზღვევო კომპანიების, ჯანმრთელობის დაცვის სამინისტროების მესვეურებს, ვესაუბრო ჩემს კოლეგებს და გავიგო პაციენტთა აზრი სამედიცინო სისტემის შესახებ.

საინტერესოა, ერთ არეალში განლაგებულ სამედიცინო დაწესებულებებს შორის ურთიერთობის ფორმები, რომლებიც საშუალებას იძლევა, მთელი ძალისხმევა მიმართული იყოს პაციენტის კეთილდღეობაზე. მაგალითად, თითოეულ კლინიკას გააჩნია თავისი ნიშა და განვითარების პრიორიტეტი - რა სფეროშიც ის განსაკუთრებით ძლიერია.

დღევანდელი ტექნოლოგიების განვითარების ფონზე ხომ წარმოუდგენელია ყველა სფერო ერთნაირად კარგად იყოს დაკომპლექტებული, როგორც სამედიცინო აპარატურით, ასევე კადრებით. შრომის ასეთი დანაწილება კარგი კოოპერირების საშუალებას იძლევა, რაც პოზიტიურად აისახება ჯანმრთელობის სერვისის მიმღებზე და მის მიმწოდებელზეც.

მეორე მაგალითი - მეგაკლინიკები მათ ტერიტორიაზე, შიგნით ახდენენ მცირე დამოუკიდებელი კერძო კლინიკების განლაგებას, რათა გააუმჯობესონ პაციენტის მომსახურების ხარისხი.

ის ფაქტი, რომ ჩვენ ვცხოვრობთ და ვმოღვაწეობთ რეგიონში, სულაც არ ნიშნავს, რომ ჩვენი პროფესიული საქმიანობა პროვინციალიზმით უნდა იყოს აღქმული. ეს ეხება ნებისმიერ სფეროს. მაგალითად, იტალიაში ვიმყოფებოდი დაახლოებით კასპის სიდიდის ქალაქში, სადაც ძალიან წარმატებულად ტარდება გულის გადანერგვა და იტალიის სხვადასხვა მხარიდან იქ ჩადიან პაციენტები აღნიშნული ოპერაციის ჩატარებლად.

- მაღლობა საინტერესო საუბრისათვის. იმედია, მომავალ სიახლეებს პირველად ჩვენი გაზეთის საშუალებით შეიტყობს მოსახლეობა.

- პირობას გაძლევთ.

**საუბარი ჩაიწერა
ნ. ხატიძემ.**

“რა ენა ნახდეს, ერიყ დაეცეს”

კასპის მუნიციპალიტეტის მოსწავლე-ახალგაზრდობის სახლის ორგანიზებით კასპის სახელოვნებო სკოლის დარბაზში ჩატარდა შეხვედრა “რა ენა წახდეს, ერიყ დაეცეს”... ღონისძიება მოამზადა კასპის მოსწავლე-ახალგაზრდობის სახლის ისტორიისა და მხარეთმცოდნეობის წრის ხელმძღვანელმა ნანა მერე-ბაშვილმა.

სცენას ამშვენებდა იაკობ გოგებაშვილის დედა ენის მაკეტი, რომელიც დაამზადა მოსწავლე-ახალგაზრდობის სახლის კულტურგანიზატორმა მარინე ნაგელიშვილმა. ღონისძიებაში მონაწილეობდნენ მოსწავლეები: სალომე სიხარულიძე, სალომე ჯაბაური, ქეთი წიკლაური, ვოვა გერმისაშვილი, გვანცა გერმის-



აშვილი, მარიამ აბულაძე, თამარ მარქარაშვილი, მარიამ ბეჟიტაშვილი, ხატია მიქელაძე და ლიკა ოდიშვილი.

დამსწრე საზოგადოება განსაკუთრებით მოიხიბლა მოსწავლეთა სახლის უმცროსკლასელთა კლუბის /ხელმძღვანელი ნინო კობაური / წევრების გამოსვლით. პატარა დეკლამატორებმა საინტერესოდ წარმოადგინეს თინათინ მღვდლიაშვილის “ანბანთქება.” დედა ენას “ქებას ასხამდნენ” ქრისტინე ბერიანიძე, ანი ბიტიშვილი, მელა ბერიანიძე, ლიკა ბიტიშვილი, რატი სიდამონიძე, ლუკა მიჩიტაშვილი, ლუკა მგელაძე, ნიკა ქოქაშვილი, სალომე ხორბალაძე, ანი ხოკრიშვილი, მარიამ ოდიშვილი, ნინო ხარაიშვილი, გივი ჩუხრუკიძე, ქეთი მაშულაშვილი, თამარ გაბარაშვილი, სოსო ბერიაშვილი, ნიკა მეგრელიშვილი, ირინა აბულაძე, თინათინ ბერიაშვილი.

- ღონისძიებას წინ უსწრებდა მოსწავლე-ახალგაზრდობის სახლის ინიციატივით ჩატარებული სოციოლოგიური გამოკითხვა, - განაცხადა მოსწავლე-ახალგაზრდობის სახლის დირექტორმა ლელა პეტრიაშვილმა, - გვინდოდა გაგვეკო, დაცულია თუ არა მშობლიური ენა, განიცდის თუ არა იგი უცხო სიტყვათა “შემოსევას” და კიდევ ბევრი სხვა საკითხი, რომელიც დედა ენის სიწმინდის დაცვას უკავშირდება. გამოკითხვითა უმრავლესობამ ერთმნიშვნელოვნად დააფიქსირა, რომ მშობლიური ენის დასაცავად ზრუნვა არასოდეს უნდა შენეულდეს, მას მუდმივი დაცვა და გაფრთხილება სჭირდება.

სახელოვნებო სკოლების გაერთიანება.

სამი ოქროს, ერთი ვერცხლის და ხუთი ბრინჯაოს მედალი

მიმდინარე წლის აპრილის ბოლოს ბოლნისში ჩატარებულ სამბოს საერთაშორისო ტურნირზე წარმატებით გამოვიდნენ კასპის ლავრენტი კაციაშვილის სახელობის ჭიდაობის სკოლის გუნდის წარმომადგენლები.

- ბოლნისიდან ჩვენი სამბისტები დიდი ნაღვლით დაბრუნდნენ, - აცხადებს კასპის მუნიციპალიტეტის სპორტის დაწესებულებების გაერთიანების დირექტორი შოთა გოგიაშვილი, - საქმე ის გახლავთ, რომ ეს წარმატება მოულოდნელი არ ყოფილა, რადგან კასპის ჭიდაობის სკოლის გუნდი დიდი ხანია ინარჩუნებს დამაჯერებელ წარმატებებს. ერთი სიტყვით, ბოლნისიდან წამოვიდეთ სამი ოქროს, ერთი ვერცხლის და ხუთი ბრინჯაოს მედალი.

ამგვარად, კასპელი სამბისტები პაატა მალაციძე, გიორგი გაბინაშვილი, დავით გეჯაძე, ოთარ გაბინაშვილი, ვალერი შაქარაშვილი, არსენ აბულაძე, ზაზა ჯანანაშვილი და სპარტაკ გულიაშვილი ახალი ტურნირისათვის ემზადებიან.

მაისის დამდეგს ქალაქ გორში ჩატარდა რეგიონის პირველობა ძიუდოში. წარმატებით იასპარეზეს კასპის ლავრენტი კაციაშვილის სახელობის ჭიდაობის სკოლის /დირექტორი ალექსანდრე მუხომეძე / სპორტსმენებმა.

საპრიზო ადგილები გადანაწილდა შემდეგნაირად, დასახელდა სამი პირველი ადგილის მფლობელი, ესენი არიან: ვალერი იაშვილი, 73 კგ. წონითი კატეგორია, გიორგი გუგულაშვილი 66 კგ. წონითი კატეგორია, დიმიტრი გუგულაშვილი - მძიმე წონა. ხოლო მესამე საპრიზო ადგილი 90 კგ. წონით კატეგორიაში წილად ხვდა ხოვლელ შალვა ჯანანაშვილს.

სპორტის დაწესებულებების გაერთიანება.

... და მაინც მუქი და მკაცრი

* დასასრული

განწირვის ტოლფასი იყო. ამის შესახებ თვით ე. თაყაიშვილი აღნიშნავს: “მაღაუბრებზე მომხდდა ემიგრანტობა, რათა არ მოეშორებოდი ჩვენი ერის სასიყვარულო კულტურულ საგანძურს, დამცვა იგი ყოველგვარი საფრთხისაგან... ამ საქმეს ვემსახურებოდი სრული მეოთხედით საუკუნის განმავლობაში და, მიუხედავად მრავალი გასაჭირისა და იმოდენა ხნის ემიგრანტული ცხოვრების სიმძიმისა შემიძლია ვთქვა, რომ პირნათლად შევასრულე ჩემი მოვალეობა მშობელი ერის წინაშე.” ეს სიტყვები ე. თაყაიშვილს 82 წლის ასაკში სამშობლოში დაბრუნების შემდეგ აქვს ნათქვამი, მანამდე კი უცხოეთში ეროვნული საქმისათვის თავდაზოგავი მოღვაწეობა, უკიდურესი გაჭირვება და მრავალი განსაცდელის მიუხედავად, 24 წლის განმავლობაში, სადაც კი ხმა მიუწვდებოდა, ხვეწნა-მუდართით დაწერილი ბარათები და თხოვნა. პირადულზე არ ჩივის და შემწეობას არ თხოულობს, მისი საფიქრალი განძის გადარჩენა და სამშობლოში დაბრუნება მხოლოდ.

დიდი პიროვნებების ცხოვრებასთან დაკავშირებულ ამბებს, რაც ჩვენ დროს ხდება, რაც არ უნდა უმნიშვნელოდ გვეჩვენოს, შეიძლება სამომავლოდ მეტი მნიშვნელობა მიეცეს. ასეთად შეიძლება მივიჩნიოთ ის, რასაც ქვემოთ მოგახსენებთ. როგორც ცნობილია, შალვა ამირანაშვილის სახელი მჭიდროდაა დაკავშირებული საქართველოდან სხვა-

დასხვა დროს გატანილი განძეულის სამშობლოში დაბრუნებასთან. მისი მონაწილეობით ე. თაყაიშვილთან ერთად საფრანგეთში 1921 წელს გახიზნული ეროვნული განძი 1945 წლის 11 აპრილს იქნა სამშობლოში დაბრუნებული. მაშინ, როცა ბატონი შალვა ლექციებს გვიკითხავდა, ჩვენთვის ცნობილი იყო, რომ ზემოთ აღნიშნულის თაობაზე წიგნის გამოცემას აპირებდა. ჩვენ რამდენჯერმე ვთხოვეთ ამის თაობაზე საუბარი. ბატონი შალვა დაუზარებლად გვესაუბრებოდა ლექციების შემდეგ და ლექციებზეც. მაშინ ბევრი რამ ჯერ კიდევ ტაბუირებული იყო, ის გზადაგზა მიგვანიშნებდა ნიუანსებზე, რომლებიც წიგნში არ უნდა შესულიყო. დაწერილებით გადმოგვცემდა დიდ ქართველთან შეხვედრებისა და ურთიერთობების ეპიზოდებს. ზოგჯერ თვალზე ცრემლიც მორევია, შეჩერებულია და ამკარა იყო, საუბრის გაგრძელება რომ უჭირდა. ბატონი შალვა ამირანაშვილი იხსენებდა: “ბატონ ექვთიმეს სამშობლოში დაბრუნებაზე რომ ჩამოუვდე სიტყვა, ტანსაცმელზე მიმანთხა და მიპასუხა: - “ხომ გაგივია: “წარსდგა მშვიერი და ვერა შიშველი”. გაიმოგზავრების წინ, განძის ჩამოტანის მონაწილეებმა უკანასკნელი კაპიკებით შეგროვილი თანხით შეუძინეს ტანსაცმელი. იოლი არც სამშობლოში დაბრუნება იყო, მეორე მსოფლიო ომი მძვინვარებდა, შორი იყო გზა სამშობლოსაკენ. ერთი კვირა დასჭირდა პარიზიდან თბილისამდე ჩამოსვლას მარშრუტით:

პარიზი-რომი-ბიზერტა-ქაირო-თბილისი. როცა თვითმფრინავი თბილისში დაეშვა, ვიდრე მშობლიურ მიწას ფეხს დაადგამდა თვითმფრინავის ტრაპზე ლოცვად წარმოუთქვამს ზეცაში თვალაპყრობილს:

“ცა-ფირუზ, ხმელეთ-ზურმუხტო, ჩემო სამშობლო მხარეო, სნეული დაგბრუნებულვარ მკურნალად შემეყარეო”.

სასიკვდილოდ განწირულს, სარეცელზე მწოლიარე წმინდა ერისკაცს საყვარელი მგონის სიტყვები კვლავ გაუმეორებია. 1964 წლის აგვისტოში გაზეთ “კომუნისტში” დაიბეჭდა გიორგი ხორგუაშვილის სტატია “ყოჩაღ, მამულიშვილო,” რომელიც ეხება მეორე მსოფლიო ომის დროს საფრანგეთში გერმანელების წინააღმდეგ პარტიზანული მოძრაობის მონაწილე კასპელი ივანე საჩალელის საბრძოლო თავგადასავალს.

სტატიას ი. საჩალელის მრავალი თანამებრძოლი და მოძრაობის მონაწილე გამოეხმაურა, რომელთა შორის საგარეოელი ქალბატონი მანანა მჭედლიშვილიც იყო. ი. საჩალელმა სტუმრად ჩამოსული თანამებრძოლი მუზეუმში მოიყვანა და გაგვაცნო. ომგადახდილმა გაიხსენა ტყვეობის მძიმე წლები, გერმანიის ტყვეთა ბანაკები და ბოლოს გერმანიიდან საფრანგეთში ჩასვლა. “1943 წლის შემოდგომაზე პარიზში, ტყვეთა მიმღებ პუნქტში დიდხანს გაგრძელდა დოკუმენტაციების გაფორმება, ბოლოს მანანა მჭედლიშვილი პარიზის გარეუბანში ლევილში გაამწესეს და ემიგრაციაში მყოფ ცნობილ ქართველ მეცნიერს მდივნად დაუნიშნეს”- კითხულობთ საგარეო რაიონულ გაზეთში. მ. მჭედლიშვილმა დიდ მამულიშვილთან გა-

ტარებული პერიოდის ეპიზოდები გაიხსენა. ამ ფაქტთან დაკავშირებით საინტერესოა ი. მეგრელიძის ჩანაწერები, რომელსაც ე. თაყაიშვილთან სიცოცხლის უკანასკნელ დღეებამდე ჰქონდა ურთიერთობა და მისი ცხოვრების ბოლო პერიოდის ეპიზოდები დღიურების სახით შემოინახა. მიუხედავად უკიდურესი უძლეულებისა, ექიმების და ახლობლების რჩევისა, არ წყვეტდა მუშაობას მაშინაც კი, როცა კალმის ხმარებაც აღარ შეეძლო და მოითხოვდა ნააზრევი კარნახით დაეწერიებინა.

ი. მეგრელიძის 1951 წლის 15 დეკემბრის ჩანაწერებში კვითხულობთ: “ექვთიმე თქვა: საფრანგეთში ომის მძიმე დროს მივიღე მანანა მჭედლიშვილი, საგარეჯოდან იყო”- ო. სამშობლოს წინაშე მოვალეობის მაღალი შეგნებით სიცოცხლის დიდი ნაწილი მოწამეობრივად გაატარა. მის მიერ გავლილი ნარეკლიანი ცხოვრების გზა ნათელი კვალია მშობელი ერისთვის, რომელიც თანდათან მეტ სინათლეს იძენს, უკვდავების შარავანდელით ბრწყინდება, ამის დადასტურებაა ის, რომ საქართველოს მართლმადიდებლური ეკლესიის წმინდა სინოდის მიერ 2002 წლის 17 ოქტომბერს შერაცხული წმინდანად “ექვთიმე ღვთისკაცი” ამ სახელით დამკვიდრდა ქართველ წმინდანთა პანთეონში. ექვთიმე თაყაიშვილის ცხოვრებასა და მოღვაწეობაზე ბევრია დაწერილი, მაგრამ დღეისათვის მრავლისაგან მცირედი აღიწერა მხოლოდ.

ლ. ბალხამიშვილი, კასპის მხარეთმცოდნეობის მუზეუმის განყოფილების გამგე.



მხოლოდ მუზეუმის ბინადარი

კასპის მხარეთმცოდნეობის მუზეუმის საგამოფენო დარბაზში გაიხსნა ეთნოგრაფიული ექსპონატების გამოფენა, რომელიც მიეძღვნა მუზეუმის საერთაშორისო დღეს. მართალია, გამოფენა არ იყო მასშტაბური, სიდიდით გამორჩეული, მაგრამ წარმოდგენილი ექსპონატები თავისი შინაარსით, ისტორიით, შემეცნებითი ხასიათით განსაკუთრებულ მნიშვნელობასა და ყურადღებას იმსახურებენ, თანაც საინტერესოა ისიც, რომ ზოგიერთი ექსპონატი წელს პირველად გამოფინეს.

— მუზეუმის ფონდში დაცული ნიმუშები, რომლებიც გამოფენაზე გამოვიტანეთ იმითაც არის საყურადღებო,



რომ ახლა ისინი მხოლოდ და მხოლოდ მუზეუმის ბინადრები არიან, — აცხადებს კასპის მხარეთმცოდნეობის მუზეუმის განყოფილების გამგე ლიანა ბალხაძეშვილი, — მაგალითად, ავიღოთ თუნდაც ტყავის ქალაშნები ანუ მამაკაცის ფეხსაცმელი ანდა ქართველი მანდილოსნის თავსაბურავი, ეგრეთ წოდებული “ჩიხტი კოპი”, ხევისურული სამოსი და კიდევ ბევრი სხვა საყოფაცხოვრებო დანიშნულების ნივთი, რომელიც დიდი ხანია გამოეთხოვა ცხოვრებისეულ ყოფას და საბუდამოდ დაივანა მუზეუმში.

გამოფენა თითქმის ერთი თვე გაგრძელდა. სასურველია, ეს საუკუნისდროინდელი სამუზეუმო ნივთები ნახონ მოსწავლეებმა და ახალგაზრდებმა და არა მხოლოდ მათ. ამ უნიკალური სიმკვლეების გაცნობა ყველას დაეხმარება ჩვენი ქვეყნის ისტორიის, კულტურის შეცნობაში.

გამოფენის ორგანიზატორები კასპის მუნიციპალიტეტის მუზეუმების გაერთიანება, კასპის მხარეთმცოდნეობის მუზეუმი და სამხატვრო გალერეა შემდგომი გამოფენისათვის ემზადებიან.

მუზეუმების გაერთიანება.

გამოხმაურება

სულ ახლახან /26 აპრილს/ კასპში, კულტურის სახლის წინ დაიდგა ქართული ფოლკლორული ხელოვნების თეატრის წარმომადგენლის, ბრწყინვალე მუსიკოსისა და პედაგოგის, ჩვენი თანამემამულის ომარ კელაპტრიშვილის ბიუსტი. ამ მნიშვნელოვან მოვლენას მიეძღვნა გაზეთ “ახალი განთიადის” სპეციალური ნომერი, რომელიც შესრულების მაღალმხატვრულობით, წერილებისა და ფოტო-სურათების მრავალფეროვნებით, შინაარსითა და მოძიებული საინტერესო ფაქტებით გვხვბლავს, გვიზიდავს და არაერთ საინტერესო ეპიზოდს გვამცნობს ამ უბადლო მუსიკოსის ცხოვრებიდან, მუსიკოსისა, რომელმაც “სალამურზე დაკვრის ტექნიკა ვირტუოზულ დონემდე აიყვანა”, /ენათმეცნიერ ლევან ლვინჯილიას დავესესხე ნ. ე. /.

წერილი “რა ჯადოსნური ძალა გაქვს ლერწმის პატარა ღეროსა”, რომელიც გაზეთის ერთ გვერდზე მეტს მოიცავს,

წელთა დინებას მისდევს და თვალწინ გვიშლის ომარ კელაპტრიშვილის ცხოვრებასა და მოღვაწეობას, მისი დაბადებიდან გარდაცვალებამდე.

სხვათა შორის 1971 წლის 21 დეკემბერს საქართველოს ტელევიზიამ ეკრანი დაუთმო მუსიკალურ გადაცემას “ამღერებული სალამური,” რომლის ავტორი გახლდით მე, თქვენი მონამორჩილი, ხოლო რეჟისორი შესანიშნავი პიროვნება და ხელოვანი ვანო გელაშვილი. ერთი სიტყვით, იმ სადამოს ეთერში გავიდა ნახევარსაათიანი მუსიკალური ფილმი, რომელიც შეძლებისდაგვარად ასახავდა იმ დროისათვის არსებულ ყველა მნიშვნელოვან ეპიზოდს და ფაქტს ომარ კელაპტრიშვილის ცხოვრებისა და შემოქმედებიდან.

ეს სატელევიზიო /საავტორო/ გადაცემა “ამღერებული სალამური,” კელაპტრიშვილების ოჯახს ფირზე აქვს ჩაწერილი და კარგი იქნება, თუ ინტერნეტის მომხმარებელიც იხილავს და ნებისმიერ დროს მოისმენს ომარ კელაპტრიშვილის უბერებელ ჰანგებს.

ნორა ედიშერაშვილი.

9 მაისი, ისტორიული თარიღი, დღე, რომელმაც მსოფლიოს ამცნო ფაშისმის დამარცხება. დიახ, 68 წელი გავიდა ყველაზე სასტიკი და მრისხანე ომის დამთავრებიდან, რომელმაც მილიონობით ადამიანის სიცოცხლე შეიწირა.

საქართველოდან, მათ შორის ჩვენი რაიონიდანაც ომში წასულთა უმრავლესობა შინ აღარ დაბრუნებულა. ფაშისტურ გერმანიაზე გამარჯვების დღესთან დაკავშირებით კასპის მუნიციპალიტეტის მოსწავლე-ახალგაზრდობის სახლის /დირექტორი ლელა პეტრიაშვილი/, ისტორიისა და მხარეთმცოდნეობის წრის /ხელმძღვანელი ნანა მერებაშვილი/ მოსწავლეებმა ჩაატარეს ღონისძიება, რომელშიც მონაწილეობდნენ ქალაქის ოთხივე საჯარო სკოლის და საერო გიმნაზიის მოსწავლეები. ქალაქის ცენტრში, დიდების მემორიალთან შეიკრიბნენ ეროვნულ სამოსში გამოწყობილი

მოსწავლეები, რომლებმაც ყვავილების გვირგვინით შეამკეს ობელისკი, შემდეგ კი საბრძოლო სიმღერების ფონზე წარმოადგინეს ლიტერატურული კომპოზიცია “არ დავიწყება მოყვრისა”.

ომის თემაზე შექმნილი ქართველი პოეტების ლექსები წაიკითხეს მოსწავლეებმა ვოვა გერმისაშვილმა, სალომე სიხარულიძემ, გვანცა გერმისაშვილმა, სალომე ჯაბაურმა, ჯორჯი ჯანგერდაშვილმა, მარი აბულაძემ, ანი ჯალა-

“არ დავიწყება მოყვრისა”

ლმა, ლიკა ოდიშვილმა, თაკო ბერიძემ და სხვებმა. ომში დაღუპული მეომრების ხსოვნისათვის ბავშვებმა სანთლები დაანთეს, ისმოდა გმირთა სადიდებელი სიმღერები.

მოსწავლეთა ძალებით გამართულ ღონისძიებას ესწრებოდნენ კასპის მუნიციპალიტეტის გამგებლის



მოადგილეები დალი დავითაშვილი და ჯამბულატ ქაშაძე, გამგებობის კულტურის, სპორტის, განათლების, ძეგლთა დაცვისა და ახალგაზრდულ საქმეთა სამსახურის უფროსი თეა ხორბალაძე, სახელოვნებო სკოლების გაერთიანების დირექტორი ნუნუ ყიფიანი, კასპის საპარლამენტო ბიუროს წარმომადგენელი ლელა გიგოლაშვილი და სხვები.

სახელოვნებო სკოლების გაერთიანება.

შემოქმედებითი საღამო

ქვემო ჭალის კულტურის სახლში /დირექტორი ირმა ხეტეშვილი/ ჩატარდა შემოქმედებითი საღამო, რომელსაც ესწრებოდნენ მოსწავლეები და ახალგაზრდები, სოფლის აქტივის წარმომადგენლები.

კონცერტში მონაწილეობდა სოფლის კულტურის სახლთან არსებული ქორეოგრაფიული ანსამბლი “სხვილო” /ქორეოგრაფი ნინო პავლიაშვილი/, ფოლკლორული სიმღერების შემსწავლელი ჯგუფი /ხელმძღვანელი გიორგი ხასიშვილი/ და ინდივიდუალური სიმღერების შემსწავლელი გუნდი /აკომპანიატორი თამარ საჩაღელი/.

საკონცერტო პროგრამა, რომელიც შედგენილი იყო, როგორც დაწყებითი, ასევე უფროსკლასელთა მონაწილეობით.

ქანუა

ჩვენი საყვარელო პატარები!

გასული წლიდან მოყოლებული სულ ვრდილობთ თქვენთვის საინტერესო თემებზე გესაუბროთ, უფრო სწორად, ისეთ რამებზე და ისეთ ვინებზე, რომელთა შესახებ მშობლებს ეზარებათ (ან არ სწავლიათ!) საუბარი.

თქვენ ახლა უფრო გვირჩი ირით ვიდრე მარშან და თუ ხშირად წაიკითხავთ ჩვენს გაზეთს, მართლაც, გვერდსაინტერესო და სასიამოვნო სიახლეს შეიძლება საყვარელ ზღაპრის თუ მულტფილმის გმირე-

ბით ხალისიანი და საინტერესო აღმოჩნდა. შესრულდა სიმღერები, წაიკითხეს ქართველი პოეტების ლექსები. ღონისძიების დამთავრების შემდეგ შეკრებილთა წინაშე გამოვიდა სოფლის რწმუნებული იოსებ შუღლიაშვილი, რომელმაც გულითადი მადლობა გადაუხადა მოსწავლე-ახალგაზრდობას აქტიურობისა და საინტერესო ღონისძიების ორგანიზებისათვის.


შეხვედრის დასასრულს კულტურის სახლის დირექტორმა ირმა ხეტეშვილმა კონცერტის აქტიურ მონაწილეებსა და ორგანიზატორებს დიპლომები გადასცა.

კულტურის დაწესებულებების გაერთიანება.


გზე, მსოფლიოში გაფანტულ საგანგებო მუზეუმებსა თუ ატრაქციონებს, წყალქვეშა სასახლეებსა და ალპებში “და-მალულ” საგანძურზე... წინ მოულოდნელად საინტერესო შესვდურები გელოდებოდა, ოღონდ ამისათვის აურილონდად უნდა გამოინეროთ ჩვენი გაზეთი “ახალი განთიადი”!

მაშ ასე, ყურადღებით: თუ გსურთ ჩვენი გაზეთის ხელმოწერილი გახდეთ, მონაწილე იქნეთ რედაქციაში! გააფორმეთ ხელმოწერა, დატოვით თქვენთვის საინტერესო შეკითხვები და უახლოეს ნომერში მიიღებთ პასუხს თქვენს საყვარელ რუბრიკაში “კეხურა”.

გილოცავთ!



“ყბუღოზ”
გილოცავთ
ზავშოთა ცოცხ!



გილოცავთ!



ჩემს პირველ შვილიშვილს ანას-ტასია სანდროს ასულ ნატროშვილს გულოცავ პირველ დაბადების დღეს.

გუსურვებ ჯანმრთელობას, უღვე ბედნიერებას, წარმატებულ მომავალს საყვარელ მშობლებთან, ბიძა-მამიდასთან, ბებო-პაპებთან ერთად.

გუსურვებ სანგრძლივ, ბედნიერ ცხოვრებას გამთლიანებულ და გაბრწყინებულ საქართველოში.

ნოდარი პაპა.

შ.პ.ს. “ჰაიდელბერგცემენტ-ჯორჯიას” ქასპის
საშენის ქარხანა
ასხაღებს ვაქანსიას


შ.პ.ს. “ჰაიდელბერგცემენტ-ჯორჯიას” ქასპის ცემენტის ქახანა აცხადებს ვაქანსიას შემდეგ თანამდებობაზე:

1. ხონოების გამგოხე-ბელი (ქავთისხევის კიხვის ქახიგი).

გთხოვთ, ნახმოადგინოთ თქვენი ხეზიუმე ადამიანური ხესეხების მახოვის დეჰახტ-მენტში ა/ნღის 5 ივნისამდე შემდეგ მისამახოზე:

ქ. ქასპი, ფახნავახის ქ.№2.

E-mail:maia.Kaciashvili@heidelbergcement.ge



80 წელი
თქვენს
გვარდოთ

გ ა მ ო ი ნ ა რ ე თ
„ახალი განთიადი,“!

80 წელი
თქვენს
გვარდოთ



რედაქციაში შემოსული წერილები არ რეცენზირდება და ავტორებს არ უბრუნდებათ

გაზეთი იგაჟდება
გაგომთავრობა
„ქოლორში.“

რედაქცია სელმადანელოვს თაუისუალი პრესის პრინციპებით.
საგაიის ავტორის აზრი, შესაძლოა არ ემთხვეოდეს რედაქციის აზრს. მოგანილი ფაქტების სიზუსტეზე პასუხისმგებელია ავტორი.
სარედაქციო მასალებისა და განცხადებების შენაარსზე რედაქცია პასუხს არ აგებს.
რედაქციის ნებართვის გარეშე მასალების გაგომთავრება იქრძალება.

რედაქტორი
ნანა გარეგაშვილი

რედაქციის მისამართი:
2600 ქ ქასპი
საქაქიის ქ. № 68
ცეცოფიონი 22-25-76